

四庫全書

集部

欽定四庫全書

陶菴全集卷十一

明 黃淳耀 撰

五言古

詠史二十四首

鸞鷟常特棲騷裏辭服箱古來俊傑人不在亡主堂六
國昔崩分豈無賢與良青蠅飛竿旌讒妾踞瑤房屈原
既放逐楚事以佞攘信陵見猜疑蛙黷遊大梁悠悠狡

童心仁義愁我腸逝言空國都啖食恣虎狼往車有折軸後駕宜周防願迴目睫智一為辨圓方

至治合柔德大淵何油油吾觀五千言精意良可求孝文尚清淨我人以和休紱冕事上帝几杖懷諸侯輕稅道則貉偃兵世如周雲門雖未作函夏愴忘憂誰歟用趙張網密仍吞舟

凡注自然巧金注自然昏注者豈有異外重亡其存智略逢世資利欲汨本原貧賤生富貴富貴入禍門君子

遠凶德小人惑調言不見楚春申晚節困李園

汜水據帝圖功高意已怠患此爭功人而難盡蒞醢草
草叔孫生彌縫雜鄙猥遂令鞅斯毒流漫亘千載漢在
井田亡漢亡族誅在卓哉魯兩生抱經竄山海

白起善合變首身乃分離蒙氏制險塞骨肉遭參夷李
斯非先王門誅砒其屍王翦滅六國三世禍隨之此人
徇功名快意無不為斫斬恬飴蜜頭顱積邱坻謂天如
覆奩天道竟有知宣尼戒餘殃曲逆悔六竒明明周與

召秉德千載師

章邯將烏合禽滅數諸侯蹉跎竟失計刎首於廢邱泣
河不溢水負薪無完裘韓白諒不支斯人復奚尤不見
陽和至蒼鷹自化鳩

皇漢傳八葉殃源始椒房五侯連甲宅旌節夜有光大
角纏逆氣三辰失天綱便便文墨士桀犬攻中央勢重
賢為佞權移陰脅陽史臣謹災異可以告明王

燕昭昔下士樂毅何賢哉雲龍歛然合豈必駿骨媒一

說連五國長驅盡東來殘兵哭濟西青社遂成灰戰伐
天未厭仁義我所裁明王忽不御貝錦入寧臺鴟夷待
國士駢騄賜庸才再拜黃鵠舉遺書使人哀

季子過洛陽買臣還會稽當時路人心盡如嫂與妻勢
利散淳源陰權生禍梯達心諒先見寡識至今迷上蔡
犬可牽牽之若龍驪華亭鶴可聽聽之若天雞

建光失神阿貂璫遂盤據根株入紫房日夜興黨錮慷
慨二三公奮髯欲收捕虹蜺揚其暉牢獄竟填聚殄瘁

憂邦國烽烟逼王輅小人亦剝廬曝骨紛無數清議死
不泯劇賊尚膽顧浸浚娛九錫未敢移漢祚至今襄城
野突兀李膺墓憤景入空蒼蕭蕭殺狐兔

淮陰萬少年王孫獨鵲起貪狼絆京索批亢無堅壘燕
趙既探囊三齊復折箠假王化為真畫繡榮閭里煦嫗
命亭長為德何當爾再拜謝君王小人誠自恥豈知平
生言恟恟猶在耳窮鳥空入懷竟負鍾離子明朝走狗
烹公亦隨亡矣咄咄魯朱家匹夫猶隱死

閑與帳下卒泝水責軍將立談獻奇策決勝良足尚外
黃一小兒燕壁一廝養全君與活國傑立萬夫上相馬
遺玄黃相士收個儻十步有芳草斯言豈云妄

威獸未入漢郅支方挽強子公仗劍怒一戰殪其王捷
書纔視草劾奏已成章大臣衡與顯搖筆侍巖廊臂詘
妨射虎聲積坐貪狼何人泣李廣永毒壯士腸

吾觀哀平間二士心相於一士耽荒宴一士敦詩書一
士醉投轄一士貧掩廬若云任運妙一士良恢疎若云

立德善一士守其初寧知天下亂性命咸崎嶇虎啞不
擇人鵠饑不擇魚方信古人言亂邦難可居

猛虎踐機牙割屠在鸞刀須臾決蹕去百夫不敢要伯
慎固名士義真亦人豪持節臨中州奮劍清黃妖仲穎
小豎子殺之如燎毛時來生猶豫事往空鬱陶一變萬
歲塢再變當塗高

飾媵為嫁女飾櫝為賣珠女棄珠亦投我賤彼反須鄒
生述神怪本與仁義俱王侯駭談端擁篲爭先趨古道

委榛莽淫詞濫笙竽遂令燕齊士拭舌談怪迂鮑魚腥
沙邱巫蠱亂鼎湖哀哉一言失臚傳多賤儒

高岡至神鳳此跡曠千年明穆豈不會要非彼所賢伯
鸞初處室耕織詠遺編容裔來上京超遙觀八埏道消
謝尼父心結求魯連避地固知幾賃舂亦中權五噫滿
天地散入臯亭烟

雲屋豔神仙垂羅隔烟霧玉階天桃花無情亦見妬婉
彼管與趙故年將薄姬逝存貫霜心恥關朝日姿雙飛

既連娟獨立猶低垂珠玉語塵沙餘光莫照之君前啞
啞笑此笑甚於悲蒙恩相顧問貴賤隨聲移感此一寸
心為誦王睢詩後世逞淫昏燕燕吁堪危

陶公經世士擁懷在田疇如彼江湖濱頻代濟者愁人
無訪諸葛我亦傲擅侯寄此醉醒間以聽時運流如何
噉名子捷徑橫山邱

神龍非騰蛇仲屈絲我身天飛苟無時曠世藏其鱗龐
公生漢季道與唐虞鄰堂堂劉荊州可望不可親竭來

牀下客乃是隆中人嘆息三分畫而後知其因

五馬既南渡亂流何滂滂離石方虓闕鄴都復獗狂符
開關陝境李割庸蜀疆魚羊歌慕容五將讖老羗時來
互驤首運去爭履膈南北斷如礪漂流逮隋唐彼以無
道得宜以無道亡生靈獨何罪天問莫能詳

葦籥本伊耆玉尺傳周鑄化與陰陽流樂由和平造鄭
女若飛鸞秦宮象蓬島此時聞正聲覺淡不覺好寶常
師古雅妙達逞妍巧同奏揚廣前何人蒙絕倒

槐柳羅甲第松柏蔭邱園邱園長寂寂飛蓋自過門朝
遊子威宅暮入聖鄉里結托要路津自謂長如此繁華
如激箭禍患無停波衣裾一輕撇悔來當奈何始信蔣
詡逕求羊可以過

越王戰笠澤兩翼分精兵還憶會稽時此曹多未生丁
年懷大辱白首定雄名蜚蜚燕太子剋期遣荆卿

次韻和東坡岐亭詩五首

并引

坡公岐亭詩五首其第二首為勸陳季常戒殺

而作近代和者頗多友兄張子灝語余曰子姑
現老齋公身而為說法余勉應其意如坡詩之

數

罟師貪得魚不惜魚化汁屠伯恬殺牛不見牛眼濕嗟
彼殺業多所以遭汝得彼債既已償汝憂差獨急微性
憐朱朱愚仁赦鴨鴨三品戒庖廚百籩謝巾幕獸炭與
松明入鑪平等赤象髓與茱萸入喉平等白深坐不橫
參大歡不誇憤敢邀天公憐庶免佛子泣靜念古賢人

飢驅食常缺今我餘草蔬猶堪饗嘉客推此告同心暴殄非雅集

昔有愚小兒垂死思肉汁世人與彼同談食口常濕大罰方後隨無肴汝猶得胡然一晌甘易此八難急列柵囚雞豚排籤戮鷺鴨驅驅黑業中何由發其羈我喜周生廚堆盤葵蓼赤我念隋帝庖剖蛤毫光白為生雖有累如僧但加憤為帝苟推心何異下車泣所嗟願力微不救世界缺鸞刀啟烝嘗折俎供賓客大哉食時觀觀

彼諸苦集

煉炭辟炊烟屑玉煮微汁此人快意時有如魚在濕苦
樂更共之麤糲安可得明者勇持戒不異救頭急憐魚
如金魚惜鴨比花鴨心心生慈雲大地為之幕念有天
地來川原屢殷赤人肉賤於狗斫斬無黑白及今全盛
時嬉遊多岸幘當思酒肉臭足感鬼神泣魯叟昔彌縫
瞿曇補其缺悲憫共因緣門庭相主客永然捨老饕來
同蓮社集

嘗酌醅醕漿不貪鮓甕汁嘗挹朝夕池不戀涔蹄濕五
戒空外空十善得無得放者尚云非殺者獨何急惜蟲
翻縛雞紋狸因飯鴨顛倒生愛憎何異蟹行幕今人遇
勞瞪目眩成紫赤及其視根還唯餘鼻端白悟茲空萬
緣如風墮輕幘無生自無殺無笑自無泣大明懸三光
下照諸陷缺殺心如一塵衆塵合為客暴然冰釋時酒
肆許汝集

張生靜者流初亦好米汁偶然逢嘉賓澆灌必取濕以

余淡蕩人開懷忘失得敲詩銅鉢殷談禪箭鋒急禪頌
舉斬猫詩歌追射鴨殺活不可拘俊氣固難暮近知鯨
飲非久厭鸞刀赤箴規同周何唱和謝元白願令禽集
掌無取獸抱幘緬然雪浪中悵矣揚朱泣誓將一指微
堙彼河江缺因舉岐亭詩恬吟諷豪客客勿笑其迂編
刻已成集

秋日過子瀨再次岐亭詩韻

秋堂展舊題長嘯呼茗汁清吹高寥寥新桐翠猶濕幽

欽定四庫全書

隱居全書
卷十一

居嬾可恕萬事忘亦得看君掉塵鞅學道心最急高天
瞻龍鸞破竈遠鷺鴨留客酒滿盆蔬果不用羈坐久林
月生半酣雙腳赤微吟昔年句俯仰慙虛白似僧餘鬚
髯為儒負巾幘漫興無風雅取代四生泣蟲葉鐫窓陰
蝸涎篆牆缺念惟酬故人何當問辭客多謝張長公斯

文乃遙集

長公謂
張元里

再疊前韻寄張元里

新詩海上來拍案翻墨汁颼颼清風生決潏元氣濕想

見含毫時妻孥笑相得龐公不解事度物何急急村社
散雞豚比鄰斷鷺鴨落筆無端倪追虛破蒙羃嗟余苦
吟多不見龜眼赤何當舉偏師背城搏韓白高談落塵
毛大笑墮巾幘一洗萬古懷不恤真宰泣秋風注糟牀
瓶罌幸無缺尚有無味禪差足飽嘉客心與德操期鹿
門斯可集

和坡公歲暮三詩

餽歲

秋禾頃不登糠覈忝為佐村中需半菽市上騰百貨風
俗有往來餽遺無小大衮衮迫歲除禮失安敢臥歎世
者賤儒憫默驚獨座民窮如抽裂官急甚春磨憂汝雙
手空坐看佳節過蘇公在今日鄉風不忍和

蘇詩落句
云亦欲舉

鄉風獨唱
無人和

別歲

酒人方卜夜顧景惠其遲魯戈挽顏陽西逝不可追風
余肆娛弄心情蕩無涯紛然憂患并歛爾移歲時攬鏡

瘦如鶴遙羨雞驚肥霜日到簷宇攪我三春悲悲來未
能遣歲復與我辭念念不停住能無催早衰

守歲

春風破殘臘溪壑驚龍蛇有如胸中物芒角不可遮感
此芳歲道健者夫如何照嫗命兒童我靜汝勿譁椒酒

未盡傾街鼓已三撾微吟杜陵句可怕暮景斜

杜守歲詩四十

明朝過飛騰暮景斜余今年三十矣

勗哉今夕心十年豈蹉跎一笑問三

彭此語將無誇

書懷寄奉常張篤棐先生

昔公理我吳我首未弁冕雕蟲出試席公見為一莞謂
此龍之媒可使受羈剪我時先其儔色喜心內報文章
足波瀾經史異關鍵脩途恐喫蹶欲到須重繭退復自
思維公言敢不勉況今科目文堂與甚褻淺丹腹變空
質青紫堪立蹇蹉跎遂錯料捫足無可掬踏事防觸蠱
閉門學卷臈一鬼笑不休三年涕常泣念彼荷戈者丁
年備菟獮致果敵王愾足使微分踐不然農鴈春竭力

事眵畎田毛供菜盛亦免顏狀覲嗟我敦詩書所得較
彼鮮邪徑羞偏側古道守巉巖捧檄者何人心焉痛如
剗側聞公南來車牛已加輶終如被凍蠅奮翅隔門限
仰視滄浪天飛鴻落我眼再拜寄一言心勞未能展

陳烈婦詩九首

烈婦者吳江士人張士相妻夫死守志依中表
以居夫兄與市魁徐某善逼令易節不從徐乃
篡取至家欲汙之烈婦以死拒得免訟於邑令

章某其先受徐懋且有高下其手者遂誣烈婦
曰若適徐三日徐已定情矣今復欲背之耶婦
恚憤以語觸令令繫烈婦獄欲逼使歸徐度終
不可乃出之會御史路公振飛按吳烈婦偕其
父赴懋松江路仍欲下其牒吳江烈婦曰若然
者吾節不白不如死公前乃出白刃自剄路亟
命救之血已滂然流矣視其衣皆縫紉百結蓋
先為必死計也余聞而哀之為製陳烈婦詩

嚴雪秀松柏芳風扇桃李結根兩不移貞脆互相鄙婉
婉吳江婦束身事君子端音夙所尚淑貌豈敢毀永言
同二儀作配齊終始

歡來無遐期感至乃蕪常翩翩翰林鳥失一難為翔金
鏡掩虛室瓊琴謝高張抱命死有歸故雄安可忘六親
既單微匹婦易周章

蒙生蕭牆適義動金石固有孤來綏綏無梁速我渡潁
爾致素辭爾言何乃醜雨絕無還雲河流豈西注疾風

振微綃可裂不可污

共姬方待火公孫強委禽篡取歸其家昏夜相陵臨抗
憤呼昊天高鬱沈沈如葵終衛足匪石豈轉心欲堪
讐人胸而奈力不任

握蘭墜鮑肆懷芳復歸來摩娑金錯刀微命待汝裁所
未明貞堅默然良獨悲甘棠有陰訟鉤距聞良才匍匐
愬邑宰激涕成瓊瑰

節義喪世久羣醜憎孤妍曾史誣以盜蹠跖目以賢矧

茲幽閨中沒齒誰相宣
簡墨置我傍伍伯夾我前
舉頭竟戴盆欲雪何因緣

盛夏飛嚴霜清晝鳴鵲鷗
夫家問新婦爾志可改不一
齊空有言二庭迺良謀答言微
志存至死明薰蕕挾長復持短
餘哇通大幽

昧旦起徬徨徬徨復躊躇
煩攔及衣衫縫紉連裙襦側
聞繡衣使持斧來東吳薄言偕
我親赴憇百里餘懷哉報所天
行矣畢賤軀

厲厲心如丹皚皚氣成雪
我我堂上冠漂漂庭下血
妾身既分明一睽從茲決
貞風非外獎哀響絲中切
聳此道路觀媿彼萬夫傑

偕子宣子灝啓霖德符入西山看梅六首

漾舟清川溪山氣一以佳
朝暉射谷口蕭蕭生烟華
左林積繁霜右渚揮白沙
客心大無賴耳目生豪奢
躡步虎山橋平湖白浩浩
霧斂遠峯出風輕片帆好
感彼鷗夷皮我生何草草
濟勝亦不慙芒屨足幽討

山徑蟠蛇腹花深行每遲
籬落互開遮松栝相蔽虧
挺挺大夫間秀此冰雪姿
獨立信有鄰晚芳豈無時

日高飢鳥囀谷靜疎鐘度
梵宇壓孱顏欲上仍倚樹
山僧拙逢迎惡草為客具
佛日誠可貪奈為春色誤

班荆羅酒漿選石坐奇偶
四顧萬瓊瑤一朝落我手
山農日住山真賞不能有
輟耕觀狂夫彼此笑開口

巖洞有佳名躋攀生崎嶇
相顧儔侶間清冰戛眉鬚
樂憂未云遠歷險良已愚
稽首告山英留我雲一區

望廬嶽

我生癖山水蠟屐饒幾兩十載思匡廬髣髴勞意匠揚
澗左里間歸棹今始漾大澤收烟虹青天削屏障堂堂
韓白軍落落侯伯狀變化根虛無尊嚴合雄放朝昏無
端倪欲語但惆悵三日經潯陽一雨助清漲雨止生白
雲山山氣騰上劃然躋巖腰縣亘億千丈如彼萬國琛
明堂受無讓傍豁四五峯偃蹇失背向一峯獨中立肅
穆類圭瑒忽見白龍飛乃是巖瀑颺想像萬壑雷壯夫

色凋喪羈遲千里外心跡兩還妨近愧猿鶴幽遠慙仙
釋曠名山如故人欲別手難抗夜夢騎茅龍陵歷頗奔
壯晨興獨長謠懷哉未能暢

泊舟行江北村落

确确田中牛飛飛田上鵲老農分稻針仰視雲影落荷
葉引桔槔麥路通略約鄰里更叫呼山歌應林薄客本
江南人厭聞江北惡牛犢化刀劍雞犬遭殺掠茲焉偶
槃礴幽意了可攬舉策數堤柳褰衣弄場藿佇鳴邱中

琴靜想林下酌始知干戈地別有耕稼樂居者焉得知
悠悠向寥廓

送友人會試三首

坐君新堂中餐君脫粟飯不語知將離浩思一以滿悠
悠西笑多渺渺朔塗遠樞馬嘶有聲青陽近將暖丈夫
憂黎元攬轡安得緩悵望東山雲無心已過嶽

燕雀從風飛劃見孤鳳凰竹實未肯食矧云謀稻粱空
名滿東海一金不盈囊魯肅既指囷鄭公方治裝拔劍

為爾舞飢寒亦何傷
高歌祝臺酒彎弧射天狼
交知滿我前有懷未敢吐
與子平生言悽悽豈無故
古調辭巧彈直躬羞跼步
惆悵梁父吟中宵各狂顧
白日曜陽林商颺吹海樹
隔我雲與泥相思夢中路

再和坡公歲暮三詩

餽歲

呼僮賒歲酒酒至無可佐
有客能分甘闔如到竒貨承
筐兔首尖挂壁猪肝大旋祛
釜上塵聊免雪中臥自念

饑荒來怪事傳客座樹皮填腹腸人肉出春磨安得中
山醪頽然十日過感歎故人情獨謠仍獨和

別歲

六驥馳九衢驥駛影反遲如何歲月徂有驥莫能追曰
余結髮來意廣心無涯下言砥媚學上言匡危時鼎鼎
三十年不慕輕與肥所以獲落久亦無老大悲我如主
人留歲如行客辭願同松柏堅庶免蒲柳衰

守歲

火辰曠明暉歲乃在龍蛇我持人子身聲影兩藏遮此
夕飲藍尾親歡復如何座隅有季弟覓棗聲喧譁一脚
跳虎子兩頭持鼓過家督顧之笑起視斗柄斜幼者行
復長長者已蹉跎詩成中弟書聊與僮僕誇

釋褐後以詩代書寄舍弟偉恭

崇禎十六載南宮開選場當春寇未退計車頗傍徨詔
用秋八月廣額登俊良帝御皇極殿發策垂天章揆日
唱甲乙釋褐遵典常余忝平流進法得授曹郎休假未

獲請思親淚滂滂今晨南鴈飛數行寄汝旁念與汝別
時燁燁侵衣裳斯文蘇陳輩鵲鰲互攜將前登三詔巖
慕彼鴻鵠翔既讀客城詩永懷百鍊鋼帆力疾脫兔歛
忽過維揚淮水方暴漲訇哮雷聲長長年盡股栗前有
覆水航河伯句我命奪食饑蛟腸亭堠孤屹屹河之水
湯湯上有團團天下有古戰場捩舵漕河口十里一澤
梁下流若地窖上流若天倉毫髮一失勢叩頭不可穰
漸近梁山灤饑民惡如狼進退正惶惑聞賊破武昌故

相伏劍死烝黎墮沸湯中夜仰天歎星月無晶光我行
將安之魚爛四海瘡稍前過任城濟陰遙在望水木類
江表幽探覷相羊傳聞寇塘突獨畏孔子堂想見絲竹
聲魯壁尚洋洋上嘉魯連子下思馬賓王一死誠個儻
萬言亦琅琅陳迹鬱連連清源接幽滄大都焚蕩後物
色難具詳入都秋蕭騷疾風捲高岡挂壁略見蠨鳴籬
絕無蟹余病嬾終試誰使強激昂友生劇天倫可惜遽
分張座主山陰公風神照巖廊清冰絕汁滓大珪不斲

方賞我金石韻協以宮與商知我負烈氣勉以桂與薑
顧余慙曩賢公乃韓歐陽伏覩天子聖自責如禹湯共
歿伏四罪熒惑移災祥臨軒徠茂異皇盼為悅康惕息
朝士內曷以贊虞唐眠食今粗安酒醕三四觴赤側漸
辭去借貸聊充囊最苦羸馬頭蹠蹠塵沙黃閉戶學螯
折出戶旋已忘顧惟倔強姿不恥溝壑僵安得棄生平
如彼轉糞蜣所以公卿門干謁竟未嘗餘外順坎流不
用強論量親前雖奉書苦語總遮藏汝為從容說慎勿

使憫傷時方掄史才儲國之招梁爭門或逋指此態豈
可當我欲拂衣歸齋持一月糧舊路不可行匹馬從東
方吳雪雖苦寒不敵薊北霜預畜明燈藥照我髭鬢蒼
一言先語汝努力學佐王黜則謀補息如我事已忙泚
筆再三歎霑襟涕淋浪

暑日見耕者歎之

我行適田野火雲何盤盤農夫荷鋤過揮汗流食簞側
身還讓畔敬我儒衣冠見此發深愧我何良自安憶昨

經高門涼風韻琅玕八珍將九醞暴殄非一端席間行
炙人也復沾盤飧豈知力耕者秋至有饑寒鞭扑晝夜
加骨肉晝夜剝驅驅六合內數步殊悲歡天豈賤稼穡
此人難復難誰為撫循吏偕之隴上看

右一首見公
辛未自鑒錄



陶菴全集卷十一

欽定四庫全書

集部

陶菴全集卷十三

詳校官編修臣錢樾

侍讀臣孫球覆勘

總校官知縣臣楊懋珩

校對官編修臣莊通敏

謄錄監生臣徐潤

欽定四庫全書

陶菴全集卷十二

明 黃淳耀 撰

七言古

閻立本畫鎖諫圖歌

松圓詩老鑒別殊視我唐人鎖諫圖誰其畫者閻立本
絹素完好精神俱畫中髣髴在離石雄姿風氣鍾佳雛
白日雷霆縱游獵青春臺殿收名姝刺天甲觀不時起

老臣元達昧死趨一陳蒼生愛膏血再陳先業由勞劬
三陳兵疲及人怨皇矣漢祖誠師模殿上頽然變顏色
橫眉力士來虎軀扶將下殿赴砧几速令鼠首懸高衢
可憐此臣亦狡獪銀鐺先貫腰脅粗攀樹情知勝攀檻
震威不得撓其膚怪事官奴傳入內蛾眉冉冉來椒塗
口吟舌話未及竟遙看霽色浮眉鬚我觀此畫三歎息
筆之所到與史符畫手生年亦奇士凌烟曾貌英衛徒
貞觀致治前代少魏徵直諫天下無田舍老翁恨欲殺

明德一言天笑愉
厥後賢妃諫薄伐
疏草質直如盤盂
惜哉弦在天已發
毫釐一失十年徂
玉闕西開瀚海沸
馴至邊鎮生憂虞
迺知進圖寓謫諫
近思遠慮皆區區
使知僭國重補闕
何況聖朝疎廟謨
小臣賤妾蟣與蝨
務令一一盡其愚
粉墨丹青向千載
城傾國破如斯須
陵空想隨金挽出
蹟真不比蘭亭摹
何當持此獻密勿
萬有一補良非迂
萬有一補良非迂
丈人收藏姑自娛

周文矩嵇康彈琴圖歌

蕭蕭撼撼萬木聲月落未落餘古檠窗中一人天骨清
好鍛以外琴理精素手明徽相與善彈出生平廣陵散
本是孤音世不知未經形解仙猶遠風燈漠漠山精寒
聳肩縮頸來路難子期師曠索儔侶凝冰焦火生愁歎
影逼窗前復靡徙一燈吹滅去如水他年魑魅晝含沙
與子爭明非此鬼君不見孫登有琴唯一弦彈時響像
然不然

少年走馬行

秋風入城秋草黃秋天如水秋郊長少年跨馬蹋煙去
楚製短衣身手強榼榼銀鞍行道左人馬安閒見者情
側身忽若鵬翅翻纏結鞍韉無不妥城南古水橫匹練
劃見晴空飛紫電去驚白日追四蹄來羨長風牽一線
玉鞭雖長不及催無塵有影真龍媒杜陵野老色惆悵
見此何殊天下材去冬萬騎抵京室官軍馬遲渠馬疾
大冠脩劍不枝撐血流有似陳陶澤今年形勢轉莫支
諸將論功更不疑青禾白豆豢驚馬飽食只怕邊風吹

安得少年不愛死驅此萬匹向燕市直出榆關發三矢
走馬歸來只如此

首春將之江右張子宣德符拏舟相送入郡西諸
山游陟數日因為醉歌

春風作花滿江縣行子衣裳帶冰霰黝黝舟鼓不可止
朋舊相逢嬾相見張郎十載論膠漆一門國士歡游衍
念我遠適勞筋形攜我山中百壺餞山浮濃桑染肌膚
花亞繁枝明縞練二儀風霧變斯須已下峰巔猶目眩

連夕燈明酒黯黯夢中不憶身貧賤大旗十丈卷樓船
銅弩千羣驅驛傳卻看夢醒餘孤舟一望平波去如箭

小孤山

大孤猖披如屨脫小孤崢嶸如角出兩孤爭奇吾取小
直上千尋有雄質九江東下雷殷殷九天忽落真將軍
舟如單騎偶穴過回看樓櫓穿層雲舟人指點烟鬟峭
翠羽金衣出祠廟仰天大笑是虛無卻望彭郎還一笑

彭郎磯與小孤山相對俗稱
小姑嫁彭郎蓋誤孤為姑也

送侯氏五子赴省豫章

雲山漫漫起座隅千里卻向庭闈趨東辭建業上湖口
遠勢欲與青天俱大江簸蕩驪龍珠一水一雲皆可娛
白鷗驚飛入寒霧中流擊鼓吹笙竽路經匡廬少躊躇
彩翠可與來時殊撥雲直上問五老丈夫與爾同崎嶇
湖亭轉柁江樓聳一卷奇文壓裝重弛裝再拜嘉慶畢
細數合離顏色動此時江海遙相望孤城愁見落日黃
天涯應上滕王閣指點浮雲何處長

三絃曲

世上三絃聲促促最愛陸生彈一曲良朋珍重君肯來
却似風前拾珠玉有時蘊拽吳歆聲含商換羽圓而明
百萬金鈴一時旋兩三黃鸝相鬪鳴有時正宮出其口
鐵柱水車偏得手塞草秋枯雕鶚飛闕榆夜落風砂走
忽然幽咽不可言憶在秋浦聞清猿一一鶴聲叫明月
珊珊環佩遊湘魂忽然愁絕變為喜如在吳趨萬花裏
笑嬾歌慵螭首娘口吟舌話爲肩子我問陸生十載前

此技誰擅君誰傳
荅言少小愛入骨
千生萬熟夜不眠
絃調手敏曲能訂
以譜為師以心聽
學成彈向大江南
翻怪異雞無敢應
我聞生言歎息多
萬事真須自琢磨
我有一絃挂在壁
世無鍾期當奈何

江南春二首和倪元鎮作

綠芒如粟抽蘆筍
綵鴛泛泛金塘靜
美人同上木蘭舟
弱袂長鬟嬌弄影
春風滿把春粧冷
落紅欲沒胭脂井
碧桃花下紫綸巾
澹粉樓頭颺素塵
鸚歌遲燕語急雙

袖能知淚痕濕落花游絲互相及搖蕩春光入空碧六
代興亡變陵邑青山無言向人立眼看柳絮飛為萍有
酒不飲將何營

二月輕花兼嫩筍楊低柳合林中靜春思能生綺陌煙
春風吹動西山影濁酒蒼苔山店冷眼花不識吳王井
昔時富貴烏銜巾今作霸巖山下塵世事多流光急競
雨爭風游騎濕一片花飛追不及寂寂橫塘春草碧鳥
啼只在舊吳邑勸君秉燭花間立年來物變如轉萍二

豪在側徒營營

云渡上人別久過訪肯示近詩喜而有作

後師別我歲屢改勇割天親住南海黑風羅刹不得侵
一片袈裟作重鎧今年瓢鉢來叩關乃知後也歸吳山
為言海浪大如屋金毛玉髻何時攀卻到吳山訪耆宿
有茅可誅筍可劓巢鳥聒聒競棲簷猛虎依依來暖足
以茲卓錫在山腰忽憶遺民是故交一宿人間桑樹下
他年候汝虎溪橋我聽師言深感歎老我猶歌白石爛

欲依佛日未離家空誤儒冠難靖亂師言此事且勿論
留詩一卷清心魂詩心禪骨良有以得似冰梨沁牙齒
江南昔有泐季潭君步前人從此始

北客行

闕

何孝童詩

有序

孝童名萬京字叔鴻松江俞塘里人幼穎異日
誦數千言其父以貧故不能延師教之然萬京
孝友性成不待教督而自合於善父有疾萬京

為衣不解帶久之不瘳萬京告於母曰兒將請
於天以身代父之死供養二親有兩兄在其母
切禁之然亦不慮萬京果死也萬京每晨興則
向日而拜語刺刺不休如是者數日父忽謂曰
吾疾不可為矣天方炎歊亟求布殮我萬京即
號哭出門走家人咸謂其求布也會天大雷雨
萬京薄暮不歸其母忽憶前言心動出至溪上
得萬京遺履乃知其赴水死久矣善泅者沒水

得其屍腹無勺水衆驚異焉其宗人學憲君萬
化為作傳惜不載萬京年或曰年十四五矣余
惟萬京之志近乎愚萬京之行近乎小過使居
聖門漸染禮教其為高柴之流無疑也或疑萬
京死未幾其父亦死何請代而不得耶夫以周
公之聖史稱其齋祓為質請代武王武王有瘳
後而崩是周公亦終不得代武王也何疑於萬
京蓋萬京之所能為者人也萬京之所不能為

者天也余哀其志為賦何孝童詩將以媿世俗
之不顧父母者焉

何家有童子其年方十餘朝出采梲聊作食暮歸晝荻
聊作書曰日高黃泉深即罷有疾傷兒心淚向黃泉傾
身向白日拜郎罷不痊兒請代走斃斃兮舍西東翻身
投水如投空江魚有情河伯泣孤燈青凝阿母立精衛
亡愚公死百身莫贖何家子趙苞溫嶠是何人千古煌
煌照青史

贈萬寰中尊師

南昌真人天骨奇虬鬚直視面有威十三工文隸博士
二十仗劍遊京師金門不能留儒服不可羈丹霄路縹
緲萬里登峨眉看老翁憐爾誠天皇一卷披青冥纈
帳風葉葉玉鸞聲瑋瑋職授星中官名書不死庭朝檄
南箕電父下暮持秘咒龍神驚伐狐破古塚返魂通上
清只今踪跡遍南國綸巾赤舄人人識或過社樹鬼先
逃或立醮壇神被劾有病不求盧扁醫回天那許京焦

測上谷書生吾所賢生平異事如羊權一符一水俄寂
然我驚此事夜無寐明日從師求學仙

書懷寄侯廣成學憲

廬山蒼蒼戛南斗吐雨洩雲無不有公行較士此山前
三見江風變楊柳公堂晝坐如水壺鵠袍雅拜爭先趨
手植鞭楠作梁棟人言大匠天下無嗟今國風久衰息
塲屋空聞日五色剪綵鏤脂也可憐大鸞羸塊何由得
文章世變兩滔滔坐看奴僕擁旌旄赤丸夜探文吏死

白羽畫插旄頭高却憶成弘比三五政化清平文簡古
丘王文樣出詞林劉謝時才居政府此日英靈可車載
豈唯江右生賢輔雖然皇祖新樸棧要是有司持履矩
我今思得公輩數十人參錯天下如星辰一為斯文幹
元氣再為海內清風塵

虞山喫虎肉作

猛虎入山山氣惡腥風倒射巖石落兩三村毗不識虎
謂是旄牛未生角扼虎之吭擘虎尾虎驚不及施牙觜

東海無煩赤刀制南山已報白額死老夫羈旅春盤空
短衣匹馬行山中坐分羹臠飽欲死拔劍四顧吾何功
村北村北莫倉卒儒冠為爾頻衝髮人間真有猛於虎
勸爾投身依虎窟

諸同人攜榼來就吾家賀余舉子戲成雜言一章
庭樹婆娑生意發一寸春枝出槎枿眉眉書客報添丁
酒社詩朋日來賸長腰米斗五百錢破竈濕葦寒無煙
煙生爐中正拔簣播酒三餅攜到宅長魚細菜堆滿席

塞破茅齋惜不得君不見潯陽五柳翁又不見杜陵詩
瘦客名父聲名滿人耳通子驥子無顏色我今老大困
泥滓落落長身惟牧豕後進爭呼丈人行

去聲

先生祝作

商瞿子以茲懷抱惡無比不望石麟兼鳳嘴但求郎罷
穩稱呼便覺阿囝勝虫豸侯生張生心相於謂我老蚌
真生珠傾筐代作湯餅集折簡遍致高陽徒坐中夏生
吾畏友四十明珠為我壽上言嘉慶溢門閭下謔瓊枝
映蒲柳我笑酌君一大盆

阮咸與宗人共酌以大盆盛酒圓坐

君家虎子

已飛奔燒燈共持蓬箭舞洗掌獨少屏錢捫忽憶小時
劇作惡騎殘竹馬留牆角三十年来駒過隙又以生男
煩合醪生男似我已蹉跎他年男大當如何三間老屋
須教守十角耕牛未厭多與吾玄意表事攜鹿門太早
計阿翁嬾惰信天公且向醉鄉謀一醉

邑中團練土著侯雍瞻要余偕諸人往觀因集仍
貽堂即事有作

黃塵直上猛士呼將軍講武城西隅蛇蟠鳥翔八陣圖

籠鎗跪坐翼以趨方圓變化爭斯須惜哉卧龍今世無
長刀直立數十夫一臂能盤丈二父白梃手搏無羸輸
較射還持金僕姑蹋踪分騎生馬駒捷若槁木懸鼪鼯
當軒下馬意躊躇似惜好手不可孤龐眉書客歎且吁
毛錐一把何為乎連年聞賊窺楚吳中州百姓遭剗屠
闌入城牆有雄狐懸軍萬里通天誅我非閨中靜女姝
安得暇豫如鳥鳥侯生長笑撚髭鬚顧謂公等何區區
即今轅門乍援枹雕青惡少劇虎羆提此十萬橫馳驅

叩囊底智成哲謨坐中徐卿勇略殊藏身簾肆同槃株
是時技癢不可拘一躍欲攫天狼弧倅於江左稱夷吾
徐也夙將無豪粗我偕三四高陽徒頗解痛飲提壺盧
仍貽堂中櫻筍廚春燈照映紅珊瑚酒酣仰面看金樞
作詩記事傳通都

白鸚鵡歌

西苑中百鳥房有白鸚鵡一隻潔白如雪其首
微帶雜毛慧而善舞唯不肯言耳旁有飼鳥人

曰至萬歲前則言矣

出自西域遙遙之壠坻來處上林密密之樊籠翠衿紅
嘴非伴侶鶴鶴白鳥輸光容一語一言能默記聰明學
得魚龍戲舞如縞帶亂翻風停似雪花輕委地我來索
語貌閒閒不是瘖聾不是姦只知天子賜恩澤肯為旁
人轉舌關多少公卿羞見汝帝前不語人前語

豪鷹歌

有鷹在百鳥房意氣肥滿蓋久不出獵日飼以

肉而然也此物利在搏擊今既喪厥勇又靡彼
肉於事有足感者因賦豪鷹歌

豪鷹見鳥如見血一雙老拳能劃鐵宮監擎來過細柳
伏免翔鳥那得有不出獵閑深房條鏃一條磨欲斷鷺
雀滿簷戲汝旁旁人嘲鷹是凡鳥不道養鷹病在飽飽
鷹鎖著無風威不如縱去天外飛

賣棗兒

北棗味佳北人顧嗜南棗有點者取北棗製以

為脯詭曰此南棗也北人售之其價什倍北棗
燕山棗樹深棗生纂纂懸赤心懸赤心人不喜謂言南
方棗如瓜仙種傳來勝如此市兒狡獪生大貪即將北
棗呼為南劉皮脫核開生面他人得棗皆稱善賣棗兒
謂言爾點爾更癡安得終身挾詐不使旁人知

燕姬歎

北人多蓄女子飾其姿首教以歌舞彈碁陸博
諸雜伎仕宦者以多金買為侍兒兒或不樂其

主輒用祕術殺之因轉而之它

燕中姹女顏如玉腰素盈盈繞一束翠翹寶靨試新妝
皓齒顰蛾矜艷曲工迷下蔡城解貨成都酒盧家小字
有人知陌上使君爭索偶十斛明珠許換歸只言松蘿
比心期流蘂帳開珠箔掩破盡工夫與畫眉何知覲面
成捐棄只買朱顏難買意北邙蕭瑟白楊風盡與春宵
酬秘戲東家寒女方待年眼看琵琶過別船古井波瀾
誓不起齒屑歷齒無人憐

廟燈二市歌

京師有廟市燈市一月各兩開開則市聲嘈嘈
自朝及夕余欲購杜工部集徧索乃無有暨求
它物亦然因笑曰彼固妄有其名也

東城燈市聲闐闐西城廟市爭臂肩燕姬利屣立不定
御史青驄難著鞭經旬盼望只一日明日市門仍寂然
東吳儒生羈旅客欲貨珍奇雙手赤那知市貨也尋常
只有貂皮與狐腋歸來太息向僮奴東西狂走何其愚

憶過豪門真可羨
天琛海怪相輝眩
遮藏不許路人窺
識氣賈胡遙望見

續麗人行次坡公韻題美人照水圖

金塘灩澦秋波長
紅蘭葉葉裙帶香
美人照水如照鏡
自見清眸自斷腸
畫師何處傳深意
一點顰黃新破睡
矯如天際下飛鸞
水面落花羞靡靡
他時日映桑枝寒
東方千騎停金鞍
在地願為池沼水
只與蛾眉對面看
相看脈脈情無底
相對終成路傍子
君不見漸臺水深

鵲駕齊浮槎無路空悲啼

陶公歸來圖詩次劉靜修先生韻

典午昔年逢革除濛濛八表沈康衢
陶公歸來手荷鋤一辭足化騷為奴
致身本期元凱俱滄海漂蕩無黃虞
武陵之人有與無柴桑幻出桃源圖
容城韞璧不肯沽千載二士遙相呼
哀哉赤狐還黑烏

答武林陸麗京

昨識陸子面今同陸子遊
落花一片飛巖幽青壁矗起

揅雙眸飄然長袖凌飛樓風急天高如凜秋前望五湖
後鉅海元氣欲與胸中流君不見山中舊有巫咸墓突
兀至今應有故又不見山中舊有言公祠絃歌寂寞令
人思嗟今世路紛如此卧石飲泉翻可恥古人似此山
中雲去到人間即為雨而我刺促胡為爾書劍無成困
泥滓窮廬悲嘯但聞雞故里浮沈空牧豕以茲來往深
山裏鳳歌欲覓桃花水卻憶西湖上曾躡南屏巔湖山
秀色染肌骨綠蘿蒙幕生紫烟東望錢塘一水不可以

徑渡中有巨魚奮鬣摩蒼天山川雄傑人磊砢陸子坐
秉文章權一門國士互唇齒天下俊杰爭差肩風塵決
泝隔君面愛而不見心茫然即今羈旅歡相索大笑高
歌露醕鰐百軸新文未入秦滿堂傾蓋如游維看君畫
地成江湖立談真作九邊圖看君抵掌論文物衆星在
天明者月乃知君負英霸才釣魚荷畚暫徘徊嵩華拔
地差足擬羅立小山何有哉攜我琴為君撫拔君劍為
我舞酒酣耳熱山影搖共作歌辭歌猛虎

右一篇得之麗京子冠周又序一書一皆為麗京作
也時公下帷虞山麗京來游相與訂交遂有贈答手
書尚
存也

陶菴全集卷十二

欽定四庫全書

陶菴全集卷十三

明 黃淳耀 撰

五言律

京口道中

微風山磬落小艇與煙平
棹發魚龍氣人隨日月行
四維形勝辨一葦古今爭
擊楫知何向洪濤薄暮聲

螢

旅夜風燈滅疎螢亦有情對飛開更闔獨坐晦還明書
卷如憎少房櫳只益清井闌相似處歸夢最能生

朱魚

為與凡魚異翻令尺水藏數頭成伴侶半豹具文章遠
害身長活娛人趣暗傷好投空濶去爾我本相忘

登石湖諸山

春水渾無際吳天總欲浮花疎時近眼柳弱不依洲醒
酒山風急看碑野寺幽提攜佳侶在吾豈負雙眸

半塘寺

寺有勝國善繼上人血書華嚴經

半塘禪寺古屈鐵變樛枝白業三生力蒼煙六代思
法衰龍象至經妙鬼神悲一悟真空理滄江月上遲

四檜

在虞山道院本七檜今存四馬傳有方士役鬼神移至

碧殿陰風入蒼蒼四檜存雷燒爭拗怒鬼見盡驚奔雲
氣生高蓋龍蛇守直根只愁移卻去何物鎮山門

松陵晚眺

日暮登臨眼孤城也自聊湖多天在水邑小市侵橋芳

草歎前路綠楊驚舊條望中惟燕子與客共飄飄

夜泛鴛湖

積水月涓涓月斜舟稍前歸漁搖艇火宿鷺定湖天遙
指塔相對暗尋花滿煙峰巒無一點吾醉獨蒼然

水勢

水勢沄沄大峰文午午浮春風隨處著花氣逼空流曲
岸斜陽轉長天去鳥愁十年疲物役俯首媿滄洲

泛舟西湖

碧水風吹皺朱塵雨浥清纖歌何處接慢舸不知行駿
馬盤隄疾珍禽坐樹輕夕陽何淡淡山氣莫能名

韜光寺

鷲嶺摩天碧峰峰虎豹文蛟宮楠木蔽僧竈水筒分石
迸林中雨江飛海上雲高樓吟復笑倘有駱丞聞

見公
手書

題作
鷲嶺

石崖

蘇子曾遊處留題剝蘚花春蒸崖腹潤石迹履痕窅童

子憂深入山僧許
慙家經奇聊一歎
脚脚近龍蛇

謁于忠肅公祠堂

澶淵非旤宋代邸
本安劉力竭山河在
功成骨肉憂草
銜冤血碧江挾怒
潮流雪涕荒祠下
乾坤正可愁

渡錢塘江

伍相鴟夷去錢王
畫錦空英雄如昨日
陵谷自春風白
鳥沉煙外蒼山立
雨中布帆輕轉怒
長嘯對魚龍

富陽城晚眺

浙西天漠漠片雨富陽城遠嶂千鬟妙長江一掌平風
檣爭薄暮煙柳報清明鄉思縈覃葛萋萋艸又生

桐君山

桐君丹室在天下幾人閒碧瀨長歸海清風獨滿山花
開游子路雲泊野僧關歎息鐘聲內仙禽自去還

登釣臺

石壁漢時煙嚴祠風颯然雨流巖下釣星動澤中天地
圻芝英瘦山空鳥跡玄一丘難濟世不敢慕前賢

見公墨跡

雨流巖下釣句
作雨添松頂瀑

七里瀨

孤舟落何處山水四周遭水鬪潏洄急山含寂寞高中

流明彩蛤夾篠墜蒼獠游者非康樂長吟亦自豪

他本起二

句云逆流方緩緩山水忽周
遭此刻以公遺稿訂正之

蘭溪道中

莽莽蘭溪雨孤帆迷所之斷崖爭榜急逆水打灘遲身

世占風慢山河老髮絲垂堂聞有戒淹泊迂心期

龍游驛前大樹數十章美而賦之

龍蛻千年骨何人擲道傍合圍猿臂短穿穴兔絲長布
葉千家靜交柯六月涼丈夫存節目愛爾亦昂藏

山村

麥秀先吳地花開類楚源農冠栽竹葉山井破桑根斫
漆猿爭樹燒林虎決蹠一村驚客過蠻語共喧喧

停舟

停舟屢近山尋步夕陽間流水將心去空烟與目還對

飛沙鳥白低去竹雞斑幽絕無人領峰巒只自閒

草萍驛有感

百年孫燧節一決守仁功箕尾歸天上麒麟入畫中
苔詩壁古大樹驛亭空無限胸中氣時危哭向風

玉山道中

懷玉山邊路蕭蕭離越中百層嵐挂眼一雨翠連空
鳥道危城旆人煙古驛風子規終日響憶殺是江東

衢州

山店依城斗官橋繫艇齊嵐光含野淡灘響隔春低雨
暗虬龍宅春濃橘袖隄三衢風物好坦步不煩藜

過廣信聞鉛山寇警

十年關陝亂江表不聞兵稅急農臣苦年荒米賊生斧
柯誰在手牛犢漫多驚失涕蒼生內何時見太平

月夜與諸子泛舟

闔閭城外月帝子閣邊舟悵望前人去經過爛醉休春
陰收大澤元氣滿中流勝絕驚飄泊狂歌緩白頭

過彭蠡湖七首

推蓬收宿雨送眼入峴巖慢水雙搖櫓橫風兩使帆緩
行覓得侶疾走馬辭銜落落中流坐匡廬大不凡
梅天風不正白雨一喧豗長日春春去扁舟箇箇來波
紅漁火重月黑蚌珠開堅坐看江表湖山亦壯哉

牛背飢鳥立槎頭戲鱖跳投竿驚欲亂九飲啄還驕白
處拳飢鷺青邊掣怒鵬無心成搏擊偷眼避風颭

逆曳風帆過湖中拍浪兒輕儗沙鳥似獍惡海童為百

斛舟何重連晨漿未移閒思強弩手一破巨魚髻

楚俗尊祈賽龍神氣色殊分風勤客子割肉醉師平笳
吹殷膠轕雲車颯有無康山遺廟在血食想雄夫

大湖流不盡盡處夕陽平山遠皆疑夢天多不覺行高
帆吹嶽影驟鼓發江聲曳曳薰風至南雲一半晴

水分南紀盛山挾大湖雄舟楫三苗俗鳬鷺萬里風豫
章元自合江漢已先通禹貢猶沿誤書生莫鑿空

五月端午

是日江右風俗飲蒲酒敬鵝炙
因憶吾鄉石首魚了不可得

三年端午日兩度客中過酒憶金陵美山看彭澤多枕
歌書斷續囊久艾消磨莫笑鄉心勇黃魚壓子鵝

泊舟二首

單舸時時泊浮雲故故長浪兼鳧拍岸風引燕迴檣穀
雨罷收艾田歌聞插秧江南好風景留眼看吾鄉

久客知風信江狶善倒奔報晴銅角響占雨紙燈昏官
舫人看熟孤村井汲渾東流山縣近往往識方言

反憶

漸遠江西道吟詩反憶渠長徽粘巨鯉小甕破浮蛆黃
潤締堪著青勻紙愜書客遊難唾井無奈是匡廬

舟曉

曉帆風力正秋浦望何長飛鳥沉空翠初暎似夕陽江
開紫磨鏡山湧白毫光指點煩舟子王城一氣傍

舟晚

落日明雕錦山光不可圖青冥隨遠近飛動入虛無漸
背津亭小微分水樹孤船窗招月看江色漾驪珠

舟夜

大風搖獨夜遠夢斷孤舟不盡江濤湧分明此際愁長
身艱負米柔翰想封侯掩盡窮途涕無端更一流

烏江望霸王廟

英雄垓下盡尺土占江濱虎失關中勢龍噓霸上雲人
憐公百戰鬼閱漢三分薄暮風濤惡疑崩鉅鹿軍

自建業至京口或行或泊即事成詩六首

憶昨龍潭驛山櫻繫馬紅事隨風雨過身復畫圖中白

日園陵氣青天江浦烽向來憂樂地草草媿萍蓬

龍吟江漠漠疊浪隱蠻雷繫纜吹還解崩沙過復迴蘆
人收網去水母劃波開一葉投何所顛危亦甚哉

有岍皆相似無端復一留風蘆藏小店山火伴孤舟隔
夜占雲氣從前數傳郵遙遙京口市吳酒滑如油

江上復江上盡知洲渚情颼風兼日泊羈思一舟盈夏
木早蟬細夕陽歸鳥鳴臨流聽吹角古堞有餘清

末季干戈起抽兵及四方西江驚旱魃殺稼到吾鄉士

喜交綏免農憂
敲骨忙旅懷
元易感聞此一傍徨

金山勢不羣
中流蹴浪分
石鏡千帆影
浮圖一握雲
潮通僧井出
鐘過海天聞
幾度登臨客
長歌又水濱

梁溪道中喜雨

早乾逢好雨
客路轉清新
山碧蛟龍見
江渾鯢鮪伸
病輕霑手足
裝改潤衣巾
緩我歸舟樂
看他插蒔頻

送張介茲會試二首

公超辭下邑
平子入西京
賦就人爭寫
經傳市輒成
花

濃春走馬風急夜論兵目送雲霄去窮交意氣生
十年長帶甲滿野自蜚鴻林草寧無歎當途便不同靜
知天下事貧見丈夫雄莫負生平意臨軒答至公

元日席上詠餅梅二首

小院初萌英深堂已報梅揀枝將畫比留藥入餅開林
遠香微接燈搖影忽來已拚雙鬢似催取百花杯
獨笑知無侶頻移惜未安雪留殘歲白春共一窗寒色
借蘭筵靜香連栢葉乾醉來渾爛熳髣髴在林端

送許子位再遊江右二首

章門一水通此去又春風
嶽翠疑新長江光只舊空
客愁醇酒外鄉夢落花中
一路山櫻熟君應馬首東

三載南州別翻如憶故鄉
風前送知己事後惜流光
山雨鈴齋冷柳花驛館香
祇應題墨處雲木日蒼蒼

壽王煙客太常五十三首

曼容辭爵祿疏廣入丹青
戶映珠三樹家傳帶萬釘
漁樵新友社猿鶴舊山靈
料得金門裏時時望歲星

已成洪上築都棄漢陰機拂席山皆響開厨畫欲飛玉
甃纓籜笠金椀醉漁磯比較牆東老人今遜更肥
百歲方強半其如難老何黑頭明鏡滿頰玉輒顏多上
客吟叢桂幽人送好鶯坐繙花萼集樂事許誰過

寒月和嚴式如韻

時寓
京邸

坐訝一庭雪起看星斗橫難窮千里目未減九秋明高
燭剪無焰濁醪吟有情隔簾風不起空際自多聲

鄭超宗月夜過余旅舍有詩見贈次韻二首

芳鄰薰風好晨夕互敲門共被時人笑彌令古道敦清
冰凝素簟寒月湛空罇中夜聞高咏猶疑謝朓存

論心同永夕勸影各三人平子愁何甚嵇康嬾是真計
疎慚澗壑交淡得松筠莫負樽前意相期立此身

趙宗見示憶家山楸樹詩次韻二首

維南有珍木想像一林霜日映金膏重風吹薜葉香丹
青圖不到欄檻護多方攜取雙柑比應輸氣味良

枝枝存綠縹顆顆結崢嶸月地看無隙風窗撼有聲采

山通遠夢舉樹感嘉名忽憶江梅發鄉心亦暗驚

題李太白像

空梁月色流八極想神遊妙手傳遺像清風灑素秋蠻
牋七寶扇紗帽木蘭舟一去人間世茫茫飯顆愁

白日

白日公然瘦青天不復高顏垣無鼠立廢壘有狐嗥亂
過民生賤兵殘賊勢牢遺黎相對語毛髮尚騷騷

過石門作

即子路
宿處

石門投宿處冠劍想當年時事有今日津梁無此賢蓬
飛陰雪上草立勁風前去去逢搖落楊朱涕泣然

雪中過丹陽不得泊有懷葛蒼公

契濶遠相望迴舟一笑妨孤城深雪閉寒鴈暮情長世
亂羞刀筆人高想釣璫可憐雙鐵硯靜倚一繩牀

銀山寺

古寺山之隅天然好畫圖步隨雙白鳥忽遇一僧雛木
落齋鐘遠煙清雪嶼孤不知鄧開士倒立半空無

得鄭超宗嚴式如寄懷詩次韻二首

溪翁來栗里鷗鳥識斜川丈室饒容膝低垣甫及肩無
文仍學豹有口不言錢嚴鄭知吾意思相思坐隔年
一昨長安酒如鯨吸百川權門爭迤指爾輩膏摩肩世
事如談虎行藏等意錢山中漏茅屋小住足經年

送李廣文改任靈壁

函丈移何處秋風到宿州戰爭新壁壘絃誦古風流怪
石連齋圃清淮遶郡樓獨知濠上意莊惠羨斯遊

送徐君遊燕

吳苑新歸客，春風又薊門。
毳裘經雪暗，玉劍插腰溫。
樓護一言重，陳遵四座喧。
男兒意氣在，莫漫受人恩。

舟行九峰道中

漾舟蒲葉內，聒聒水鳴溝。
緩棹知魚樂，看山散客愁。
漁歌風外接，農務雨前修。
野色紛如此，吾行任去留。

冬日

我生勞造化，尸寢未云寧。
束帶先朝日，褰幃荷早晴。
同

分簷隙照獨見野人情陽氣冬春遍冰霜亦暫生

靜夜

寂然生衆動風緒到寒林虛室不離我明燈欲照心
杳無晤語書擁信謳吟觸物天機內何須問淺深

病起書懷

閉戶凋羣木渺然歲月過自憐為疾久不復使情多倚
樹暮禽集曝簷初日和本無閒散意聊此慰蹉跎

舊厭書籤少新知藥味多就閒慚子職因病貴天和道

欲依平澹言先戒沓拖樂幽初見性不獨避風波

石四首見

公辛未
自鑒錄

閒居

木落芙蓉笑端居習卧游好風催展卷清旭照梳頭淡
蕩操文筆蕭森激素秋劍纓俱未請吾黨自應羞

遊王氏園亭

入門朱夏改取徑綠溪長有地陰常合無風竹亦香獨
行前侶誤緩坐後遊忘愛此不能住驅車九陌黃

李舜良孥舟相送

袞袞行相聚悵悵惜此離片帆前日雨斗酒大江湄新
漲千重盛孤雲薄暮竒心懷各有以佇子秋風時

虎嘒待濟

帆落非難上舟輕不易過漢家財賦重吳市賈人多細
雨漁張網斜陽客綻蓑大江前去濶鼓枻聽勞歌

晚泊示彥舟

吳趨今古道江上往來舟泊處皆如昨余心那不愁雲

山瞻北極烽火戒南州與子觀垂釣臨淵亦有謀

自疊前韻示彥舟

童僕吾何得親知子共舟翻因同好聚喚此越鄉愁躍
馬輕千里遊山慕九州平生出處意思共曩賢謀

舟雨

小雨蠲炎燠因風灑舳艫鷗喧聽欲亂江碧看如無岸
榜遙知重溪漁近覺孤泊舟疑早晚鄰舫更相呼

舟過梁溪

昨路遶迴甚茲晨一鳥過汲泉人語雜陶器野烟和山
近城含黛江清水映羅臨風想形勝偽將昔橫戈

登惠山椒望太湖

新晴宜縱覽薄暮勇躋攀湖迴浮餘地雲垂接斷山征
帆殊不動落日勢將還擬放扁舟去人今且未閒

發自段橋至龍潭三首

溪谷風何緊濃陰亦未收炮車雲出大銀竹雨來稠木
末猿呼侶泥中客掉頭人煙一蕭瑟稍喜似涼秋

衝雨橋難上，捫幽徑別穿。偶逢雲過嶺，一似釜生煙。鳥
白林邊識，榴紅澗底然。旅懷長觸甚，吟穩向江天。

積鐵崖根擁噴瓊，地脈侵江山。生處僻車馬，入來深虎
落三家店。漁磯萬柳陰，小安成旅次。風半復幽尋。

衝雨入石頭宿廣成銓部郎中

棧車行石罅，急雨勢多端。方午戎戎暗，如春側側寒。來

逢關吏識別喜，故人安酒綠燈明裏，霸魂尚未乾。

右十
二篇

見公手書冊子，自跋云：丙子季夏，偕雍瞻南行，途中
觸事口占。所云書時，記朝夕耳。非敢自以為詩也。方

擬文戰後縱觀秣陵諸勝樓霞牛首皆吾囊篋間物
爾時可得詩數十首乃人事參差不果所願回視夏
秋之間又成陳迹耳子翼出此卷強余書之手腕生
揮真愧紙費奈何九月十有六日松屋識 謹案京
口泛舟載本集題作京口舟中第五句四維形勢辨
作形勢在第七句擊楫知何向作知誰是八句洪濤
薄暮聲作日夜聲茲攷其字
句稍異者列如右詩不更錄

水仙花

小徑誰曾踏寒芳已著花氣清春自遠姿淡月難加不
采憐幽素盈畦任整斜彼姝貞未嫁持贈豈云差

鶴

天外一垂翅風霜寄水湄
近人猶見野得性未安卑
苔雨穿林滑溪水咏月遲
高人將縱汝謀食亦何為

晚鐘

落日下巖阿疎鐘動夕波
一從心地省如向此中過
響盡諸天肅綠空半偈多
杖藜猶佇立涼月滿煙蘿

王昭君

蛾眉應受妬畫手獨何人
一見能生悔君恩此最真
微軀甘出塞大計惜和親
試向邊城問長纓是漢臣

右四篇得

之菊隱陸
氏故籍中

陶菴全集卷十三

欽定四庫全書

陶菴全集卷十四

明 黃淳耀 撰

七言律

早春東友人

東風乾鵲噪簷牙
步愛青天好日華
心似早梅能不放
事如春水漫無涯
文章漸老看飛動
朋好相諳恕過差
欲共論詩無美酒
聞君稚子最能賒

歲暮間居十首

燕坐高齋也自聊長檠短晷兩蕭蕭
簷梅背日遲開折窗竹含風細動
搖事外琴書長有寄間中苜蓿倍難消
丈夫豈忘流年歎欲向何門敝黑貂

朔風烏鳥噪江村
裋褐看來衣線繁
獻賦十年思捧檄
翳桑三日欲何言
雪埋北戶驚萱艸
春遠南陔續斷魂
中夜五情還剝裂
可憐絲絮定奇溫

攤書曝背小窗中
閒研冰開宿火融
偶好器之真鐵漢

兼評龐統半英雄道存一室安能掃世亂歧途只益窮
棄置牆東君莫問年來筮易總成蒙

睡美茶甘合有魔蘇端酒好亦慵過世情久怕驚蝴蝶
病體難移疥駱駝夢少卻占心正定腹便惟為飯摩挲
書籤把出風簷讀野馬塵埃日日多

見說年豐百穀成四方窮苦更無名錢刀滿地騰魚米
銀海何時洗甲兵烽照劍門天下險地爭襄漢古今情

聞賊有窺蜀之
志又近寇鄖襄

東南王氣蟠龍虎金翅防江莫漫輕

風破林垆野望長故人小隱在寒塘貧來踪跡如溪友
老去詩篇似漫郎大布每縫諸弟被天吳近坼小兒裳
何時買宅成鄰並十畝春陰共課桑

行過宿草也堪悲白水青松好為誰排難祇今無籍福
論交自昔長袁絲刺留懷底都忘減膝炙車中不耐追
莫怪書生偏鈍直君房未易許相知

頭顱三十但離經多媿吾生見寧馨玄未就時堪笑白
藍當出處已為青三年鍊賦耽香草一畫忘言想負苓

安得百原山雪內破除聞見坐空冥

昨夢深山杖短筇羽人飛步亦相從峰巒拔地九千仞
雲霧攬天五鬣松覺後晨鐘餘几席起來啜粥數遊踪
東南名勝何曾領布韉青鞵枉自縫

花外欣欣獨撚髭角巾行拂屋簷歌欲尋凍蔬驚先發
顰數飛鴻覺暗移藥裹茶巾隨臘換山樓水檻與春期
此心自信無拘束天命由來不我欺

贈徐將軍

奇材劍客古無儔
晤語從容即道流
塞外聲名傳卧虎
吳中結構比蝸牛
萬金良藥隨人乞
一卷戎韜為國留
我亦生平懷片氣
與君高處望神州

人日集沈彥深齋次韻

臘酒開嘗勝老春
春盤縷切鬪鮮新
已邀名飲娛佳日
旋詠清詩向醉人
高院張燈延素月
廣庭積雪禁微塵
脩然似泛虛舟去
況對長魚憶釣緡

次韻訓別張子石

百丈牽江一線平，勞君客裏念歸程。
即看去住誰能料，可是分離莫漫輕。
白鳥背飛星子驛，朱旗遙颭石頭城。
船窗日把詩篇坐，香草含風處處生。

遊石鐘山二首

步追飛鵲過山頭，俯見青黃正合流。

山下為湖江合處，水分青黃二色。

崖劈十尋天色夜，江含萬籟客心秋。
風清陡覺虞韶作，石怪頻疑禹貢收。
五百年來輕李渤，只因蘇子夜深遊。

南音函胡北音清越，勃言亦不可忽。蓋石質如此，故遇水則異聲也。

高皇親此將元戎百萬紅船落掌中

高皇帝征偽漢駐蹕此山時我用白

船偽漢用紅船

絕壁雲烟動奎藻大江波浪起天風英雄不復

歸三戶草木猶能助八公獨對洪流玩吞吐月明山響

怖漁翁

采石磯

采石磯邊飛艫下斜陽淡淡水粼粼山形怒處蟠龍虎
風力強時過鬼神天塹舊知南北限夕烽新動楚吳塵
一生心事中流楫媿與朝廷作外臣

遊甘露寺

老木陰森作夏寒，岡巒深擁一鵬盤。
日邊帆去東流盡，天末雲移北望難。
三國旌旗連夕照，六朝臺殿壓風瀾。
英雄去後江山在，輸與殘僧抱膝看。

張貞白有離世之志，作四別詩示余，余反其意作四留詩以尼之。

瓜廬小結在塘坳，城市脩然即遠郊。
谷為愚公寧避辱，亭因揚子不辭嘲。
鳴蜩秋盡猶綠砌，舞鶯春深亦認巢。

莫愛雲松棲絕壁山中依舊要誅茅

右代廬舍留

曾因一擊悟香嚴翠竹黃花不受嫌空際繁華隨意掃

閒中色相逐時拈經春抱甕新條長隔日窺園惡木添

莫向狙公分橡栗尋常山果共酸甜

右代花木留

雨雲翻覆世情新晚節松筠轉合親老語脫疎應恕醉
濁醪遷次不嫌真蔣生自是憐求仲支遁由來契許詢

莫入深山友麋鹿人非麋鹿恐傷神

右代友人留

諸門可入是清涼有酒何須強散場丈室已空華鬢影

蒜根難損麝臍香
天親無著元相友
靈照龐公各坐忘
莫視怨親成一槩
西歸隻履太踉蹌

右代卷
屬留

送張子石再遊江右二首

章門憶我別君時
歛見君歸又解維
茅屋閉來春草合
鈴齋夢去子規知
舟過曲瀨青山擁
天近長湖白日遲
珍重南州懸一榻
少留莫賦四愁詩

江介鶯花自接連
峭帆何處認歸船
龍分上下元同歷
月照悲歡已再圓

時侯生文中新歿其尊人雍瞻將
歸取道浙溪即子石往豫章路

舫雨聲溫昔夢高樓春思入新篇憑君莫憶離羣者慙負匡廬又一年

正月三日飲兩宗齋留宿次韻

飲遍屠蘇歲尚新
籃輿衝雨競良辰
花香酒釀深更坐
弟勸兄酬古屋春
閒覺篇章渾跌宕
醉逢旗鼓益精神
夜闌猶對王戎語
木榻脩然布被親

夏日與同人泛舟尚湖

永日扁舟在碧潯
停舟往往得園林
一川魚鳥如相識

百態湖山合賞心
竹澗靜通碁局響
荷花開笑酒杯深
紅燈白月城隅晚
剌伴先生有醉吟

九日登虞山遇雨宿興福禪院二首

每到林巒覺眼明
登高況是客中情
山當木落先疑雨
院有僧期不願晴
歌枕靜聽鐘鼓報
推窗遙指澗泉生
可憐一夜清無寐
心在前峰夢未成

潭影悠悠日夜空
一宵雷雨氣鴻濛
啜茶共說無生話

禮足還瞻蓋世雄

僧出款柏
老人像

烏帽白衣真往事
黃花翠

竹想遺風出門獨向秋山笑身在曹溪一滴中

送嚴式如遊武昌

楚中風物待清詩君去樊山問酒旗天外振衣黃鶴遠
水心題畫白鷗遲禰衡詞賦留殘照陶侃功名入斷碑
吟向郢西休感慨柳條不似折來時

次韻寄訓侯生雲俱見懷二首

英游絕境兩無窮南郭烟雲左里風天際一帆如隔世
崖巔雙袖欲凌空漏卮飲處思曹植釵腳題來逼魯公

老我閉門仍距躍詞壇角逐羣雄

章門舊雨知余憶吳會浮雲見汝心愁裏側身堪涕淚
夢中識路暫登臨鴻當急景飛如昨草入離亭綠至今
擬代黃花與君約滿城風雨遲車音

新春喜葉石農至二首

冬杪相期及首春春風送到剡溪人門經積雪寒猶在
酒出貧家味較醇高士有懷觀物變賤儒何力救時屯
一樽坐對缸花落消盡胸中十載塵

鶯語知春劇可憐
簷梅索笑亦幽妍
客來扃戶如逃債
君至論詩似學僊
大雅千秋幾寥濶
故人今我兩周旋
醵金鑄得鍾期否
商到遺文共惘然

時料揀閱
裴村遺稿

春風

柳向西偏一線斜
東風嫋嫋自天涯
捲開白日初消凍
閣住輕陰為養花
駘蕩祇堪嬉燕雀
顛狂莫遣動泥沙
陌頭吹得韶光去
獨有羅敷最歎嗟

春雨

幾日春光到眼明
鳴鳩聒聒又嫌晴
霏微自潤花間色
沾灑虛聞葉上聲
蚯蚓上階如得意
笋萌穿地欲妨行
底須把滑登山去
小艇橫波也有情

讀鄭思肖心史

一夕匡山卷陣雲
百年吳會泣斯文
人間再見陶徵士
地上元無滄海君
心入漏泉終化鐵
氣填溝壑亦成墳
千秋萬古靈均意
只有西川杜宇聞

送張子石遊燕二首

時朝議嘉定復漕
子石以伏闕入京

紫芝一曲舊菰蘆
又入燕京問狗屠
卿相未堪呼作友
流民只欲繪為圖
清談執事苑催黃
鳥長策中原獵短
狐他日平臺訪遺
逸應知市上有郇
謨

荒城百里絕炊烟
累繭煩君獨籲天
轉漕

去聲

更無韓滉

米治裝惟醪沈郎
錢空江蟹斷孤舟
外長路魚星匹馬
前見說南司新抗
疏不須張目向時
賢

過露筋祠口占

白鳥猶疑點露光
青松長與作幃房
玉埋地底終辭污

菊死枝頭尚抱香
蒼白有碑詞黯黯
投金無瀨水茫茫
翠旗明滅知何處
巾幗如林最可傷

京邸送龔智淵南歸二首

時智淵就選
為秀水博士

總是劉蕡選場也
應庠序有輝光
袖歸綾刺投官長
擊碎胡琴出帝鄉
家似朗陵傳孝友
學依安定舉條綱
昔賢晚晚猶卿相
況爾虬鬚亦未蒼

書劍偕君客上京
還憐客裏送君行
臬廬得失元無據
雨雪零涼共有情
關出穆陵黃葉暗
驛逢清口白波明

新詩好為題茅店我到應知隔幾程

時余將請
假南歸

啜黃芽菜作

留滯京華噉菜根調治火力似蒸豚
芳鮮花乳堆磁碗滑熟油酥沁瓦盆
食罷總令腸胃寔味回無復笋蔬存
山中舊業曾為圃屬饜清風是國恩

南還至杜生村阻雪王孟衍見示所和坡公鹽字
韻詩次韻八首

車中集霰尚廉纖茅店俄驚朔氣嚴
似兆豐年將比玉

如憂旅食故堆鹽林立掩冉通孤寺燈火青熒隔小簷
却憶君家三泖上竹巾芒屨看峰尖

欲去仍迴舞態纖斷蓬高卷助威嚴隨車剌剌鋪成席
捏虎晶晶變作鹽吹面未消欺薄酒壓巾能折湊卑簷
無人肯學袁安卧說向東風馬耳尖

簾幕爭投不厭纖閉門聊復阻深嚴解將燕市虛堆麪
未與吳尊寔下鹽擁被陡驚寒折絮攬裘誤喜月生簷
明朝大地陽和動掃出坡陀放出尖

次日為
長至

潤劍長鎗勢不纖蛇蟠鶴舞陣方嚴黃池夜噪天如墨
白帝朝屯峽似鹽墮指竟須憂絕塞映書誰復耐風簷
天涯賴與王猷值收拾瓊琚付筆尖

亂散天花密且纖坐來塵界得莊嚴不留色相仍生艷
能舐虛空盡是鹽寒氣帶暄回土室暮光連曉入冰簷
冷然萬玉吾肝肺鼻白何勞看一尖

融融皜皜月華纖禁斷微塵亦太嚴妙染誰能勝摩詰
妍辭終類刻無鹽棗林冰散花千樹桺柳風團絮一簷

天遣吳儂看朔雪等閒裁剪出新尖

謝庭高唱脫纓纈坡老還爭筆陣嚴
愁至詠詩挑朔雪興來酌水味吳鹽
蕪城冰柱衝驪馬破驛風枝瀉屋簷
戲問屠沽能解否百層錦繡裹山尖

郢唱非同下里纖吳歆也復亂清嚴
詩工不值一杯水人好應酬幾兩鹽
君奮白鬚籌朔漠我歌黃竹盼窮簷
相期躍馬收淮蔡肯負風斤運鼻尖

孟衍有詩見和復疊前韻

牛腰雖怯管城纖綺語終輸白戰嚴若也浪題詩是錦
何殊誤指雪為鹽寒吹宿火燃衣帶靜寄歸心算屋簷
勞動灞橋驢背客批風抹月用毫尖

雪晴早發杜生村至李家口三首

指直難抽韞絳纈僕夫湯沐已晨嚴冰生欲助鬚如蝟
氣出堪憎笑似鹽一徑鴉人迷古埭萬條鵝管插荒簷
關河凍合酸風擊髮髭沙塲射鏑尖

映日凝明魯縞纖兼霜的皜劍花嚴藍田烟去唯存玉

滄海潮枯盡煮鹽混合路歧埋棘刺分疎雞犬認茅簷
遠山誰是華不注我欲飛身石筍尖

一陽生處力猶纖陰氣憑陵忽解嚴高岸白消撞玉斗
凍河青出散形鹽喜尋黃獨愁無逕苦憶江梅笑滿簷
關塞漫漫誰奈汝聳肩不覺似山尖

臨朐道中微雪復疊前韻

晴林霏雪故纖纖粒點齊城氣色嚴已障高丘成白壤
將消皦日作紅鹽吟垂鼻涕冰衣袖睡放頭風宿帽簷

稍喜征車入圖畫穆陵關外數峰尖

遣興

萬里霜風笑凍蠅一囊詩句類游僧
新添袍笏兒童喜漸忍饑寒僕隸憎
車裏炙瘡狂趙壹樓頭湖海老陳登
自知合受東山誚便濯塵纓也未能

道傍見出獵者

楚製衣衫箇箇輕晴雷知是拓弓聲
塵當駿馬來時住風向豪鷹怒處生
繞出林叢齊掩抑搜開原野各紛爭

雞棲車裏回頭望一道飛毛雪片明

觀逐兔作

黃蒿白葦遍齊東兔窟經營在此中
野老側身來似鬼韓盧點首去如風
材高並驚難空返敵狡窮追易見功
立馬縱觀悲世事平陽血戰亦英雄

宿遷入舟作

笨車羸馬倦歸程乍入舟航似醉醒
天落黃河無日住雲浮吳會有時停
馮夷縹緲親椒酒風伯招搖過塔鈴

目送波瀾成獨笑一杯吟與白鷗聽

瓜州阻風遇雪復疊鹽字韻

東風五兩白纖纖浪急沙鳴萬騎嚴訪泊正逢山似畫
計程爭奈食無鹽衡門翳翳陶潛酒江樹垂垂杜甫簷
不見古人惟見雪塔鈴遙語一峰尖

哭程孟陽先生次金爾宗韻

生死茫茫總別離魚書纔到訃音隨凋零耆舊今方盡
談話風流轉合思羸博祇將魂氣接枌榆先與首丘期

大招何事偏稱宋唐景由來悵所師

西州陳迹黯悠悠淚滴遺文不自收

去聲

詩如法

律提攜晚進勝同游松圓閣在苔應滿花信樓空月自

流獨有禪心將得去幻形真作渡神舟

真語形為渡神
舟泊岸將辭去

先生晚年棲
心禪那故云

過魯獨遊沂水上慨然有作

清沂映雪晚無波閒詠思偕點也過落葉覆橋沙路細
夕陽平岸野烟和巢鳥歷歷飛鴻盡獵馬蕭蕭脫兔多

水鏡似將行客笑兩行蓬葆一青驪

寄懷鄭同年

郭隗臺前客少雙雄談清夜接麾幢詩分稿草長留蔭
酒挈餅罌屢過憲歸騎聯翩真似鴈春愁浩蕩有如江

因風為問山齋樹多少新陰覆石砭

余嘗和君
憶樛樹詩

偶棲卓錫菴次程偈菴壁間韻

松門荻岸老僧居到此心除境亦除塵夢已隨風簾遠
慧香長與日光初沿溪自試撐船手布席分看鬪草書

宛是林棲向居士東山何用再躊躇

長至日再疊前韻

舊貧長戀子雲居不與門庭共掃除
風颭幃燈蕉破後雨飛藥院草生初
看多世變如春夢憶到詩篇似誤書
剩有清愁消未盡日長一線倍躊躇

甲申除夕感懷次廣成先生韻二首

風雨南轅憶去年河山北望淚如泉
戈揮白日真無力扇隔黃塵也自賢
事業雲臺新宛洛畫圖督亢古幽燕

山中老宿閒談話擬續離騷一問天

廊廟江湖事百端侵尋已覺歲華殘
長鯨自合翻溟渤倦鳥何心刷羽翰
家計總輸漁具穩侯封那敵醉鄉寬
海翁舊話君知否一與鷗盟更不寒

乙酉元旦次廣成先生韻兼呈雍瞻

薄陰微雪晚開天
輭語深杯互接聯
嬾嫚那能拘禮數
飛騰只合餞流年
烟吹小墜梅香動
露濕平臯蕙葉眠
獻歲有懷誰賦得
謝家兄弟擅新篇

六日對雨再疊前韻

破屋朝來仰見天生憎雨脚太縣聯龍蛇脈脈知春氣
花柳遲遲識閨年閱盡後生相次老看多世事只思眠
從今會得逍遙義別著南華內外篇

眉聲座上見翼王和元旦詩復疊前韻二首

淮左軍書欲揭天江南風物尚蟬聯黃塵一浣燕山雪
絳幘重瞻建武年張鎬已甘窮谷老陳登肯作下牀眠
知君興寄椒花外大筆摩崖有頌篇

酒人跌宕欲忘天興至聊賡一兩聯潦倒未須憂白髮
亂離猶得見新年臨流白帽清堪畫帖地籃輿倦即眠
山鳥山花日堪惱春遊還有杜陵篇

新春喜陳嘉自婁東至三首

春江容易拔船頭小艇東來恰順流草色苔痕門徑淺
葱湯麥飯主賓幽清言斐疊晨將夕古意蕭條樂更愁
稠載卻看垂索去停雲靄靄思悠悠

海上扁舟棹月還踏歌曾叩野僧關文章屢見知精進

歲月頻移覺等閒
鶯喜新年聊出谷
猿尋舊侶故依山
春風似識潛夫意
點注簷花盡破顏

語及君臣涕淚俱
上牀堅卧欲何須
風塵瀕洞驚幽獨
衿佩春容礙走趨
野飯雕胡收滿屋
水田諸蔗種成區
山中鄭敬飄然往
將子能從亦可娛

送陳元晉分教歙縣

澤國春生水接連
鶯花相送上瀧船
青山障日如過峽
黃海鋪雲欲亘天
地襟駢剛從教速
官饒紙墨著書便

網常腐爛嗟今日經義還應倣昔賢

新晴訪桂

西顙晴迴積氣開江臯蕭蕭下疎槐共傷秋草迷天路
且折芳椒向水隈池面日翻寒影去園心風遞古香來
興闌歸掩空廬暮獨對烏皮一寸灰

訪隱者郊居

隔溪高士坐危亭客有棲尋戶不扃花似嬋娟邀俗賞
松因磊砢受天刑林間密果藏飛鳥窗外疎梅亂曙星

最是道心能及物庭陰病鶴長新翎

右二篇見菊隱陸氏手鈔

張母七十壽詩

百年嘉慶及芳辰愛子持觴冢婦親董氏樵漁方養志
茅容蔬果更留賓管彤自接青氍舊機杼常隨白髮新
萱草榴花相對發霓裳冉冉下颺輪

右一篇載清河家乘其墨蹟尚存

壽陸春園六十

已去風塵未住山暮年幽事滿荆關家居萬戶侯封內
人在西京儒俠間青玉案邊推髻古黃金花下舞衣斑

祇應便與林泉約，賒盡清娛占盡閒。

右一篇見陶園陸氏家藏墨蹟

贈時用咸入泮

國士門風邁等倫，明經童子艷傍人。
文從試席看叉手，書向前生憶等身。
出穴長離光照灼，食牛乳虎膽輪囷。
吾衰浪附通門雅，恐與寧馨作後塵。

右一篇書用咸便面尚存

陶菴全集卷十四